

浙江圖書館




浙江圖書館



浙江圖書館



浙江圖書館



覺源壇訓二冊

館

善繼敬錄 丙午九月起

八卦分而位成。甲子定而神通。安廿四部善惡方生。人生舍定一富未可。改易其位。天心好善。璇璣玉衡。其中消息。所謂戊亥天祖挽回而變通。是以開人生遷善之門。趨吉之路。天罡所指。引人入道之梯。即挽回氣運之法也。其中秘呪。傳示人間。佛語道經。皆悉。若夫心願主持梵天。非一非二也。奉星支祕願。示現法身。度廣衆生。以成善果。今同大菩薩。合化慈心。挽回此數。其中功德。以度有情。內相恭于上壇。結界請召光臨。特此留筆。巨光示勅。即昇。○道人在得斗帝光臨。以為度世慈懷。道人念各子未能

合力辦功各有俗事特在上壇具威儀祈求恩澤為仰體上天好生之心
以副大菩薩開壇度世之願今日起首各子恭候各沐恩光亦是幸事幸
未遑候尚見緣合繼子亦宜自運斗杓通此戌亥此人生之根本祖炁
之元歸于術數中雖一理稍有不同其算法則一也爾且自辰候至九月朔
十日之中尚見一心道人在上壇今早發遣已畢仍須往斗府謝恩特少
留以待各子天上之斗即心中之斗非一非二有一分誠即有一分應其
應其速在各心格九月初十日

善才奉命至今日斗帝謁本宮有議慈駕未能光臨本壇命示各子佛即
心心即佛無二無別離一切心即是佛心住一切心即心是佛佛無心佛

因眾生說心無心因非心為名曰心。心都不住於有不住於無不住於
有無是名為心。若有可住即心非心是為宜離一切而尋常住方得見佛。
各求真心。須常寂寂寂治。昏雜念不生而昏沉易起。以惺惺而治寂寂。
止觀雙持而住正覺。自然即心是佛而可常住真空。不無不有。一切自在。
各佛子。佛願力宏大。而因眾生之力。以為感通。自然而然。非有窒碍。其一
切加眾生心。加與佛無別。此在心中。一為思維。以度有情。同得自在。各佛
子自在。在心非心。即心若着此心。心為何物。心都不內不外。不偏不倚。而
中正。佛應無所住而生其心。既無所住。心自何生。善男子。當於此中求心
生處。求心住處。如是生如是住。能令一切眾生疾病災障盡為消滅。九月十九日

讀書脩道。總貴得神味。知此味甘。讀時讀。不讀時亦讀。脩時脩。不脩時亦脩。人生處世。何能免為俗務。總以能知之於此。方可念念相續。譬如今人吃烟。未嘗於腦亂之時。一刻忘之。人能脩習讀書。若吃烟之妙。何患業不進而道不行。未之思也。何遠之有。道人願各各有成。如親之望子。非有私言。而各仰體情。願有以自立其學。繼子來。所心祝此事。雖定而時運尚有待。先強而為之。未能久長。其事已定。總為爾家之業。且無須急。為十九能待。且候大士光。九月十五日。王

成亥天祖萬物之原。小陽所生。剝復之本。不能用之。亥數為盡。能用其道。乃否泰之基。一年斗斡旋機。所謂無定而定。其悟此道者。人生一小天地。

可以合五五而生成一六四九而轉運金丹之道其外斯乎道人以金丹
度世豈鉛汞爐鼎之謂以性情為水必以天地為爐鼎以用使為抽添以
涵養為沐浴一時一刻即有九轉之功一身一體立有長生之妙七情六
慾反之即是天地雨露風雲無我無人存之即是圓明自在未生前即此
既生後豈非此耶世人舍我以外物為我以得失為真而真我不見肉體
漸虧是以血氣漸亡神情凋喪而疾病因之此真我者本來無病風寒暑
濕為外擾得失喜怒為內患究竟一旦全空物我無着人生一世為着何
來是以發度世之情上乘者脫離苦海中資者令彼漸悟處世之道未可
全廢然所以為己者究竟不須在富貴飲食男女間也聖人中道而行庸

而無異。其道豈難求哉。今一陽未動。亥月初交。為萬物之根。先天之祖。養精蓄神。靜而生陽。太極之象。其在斯乎。各子各有一太極。靜之則存。動之則擾。自然之動。乃靜極所生。此乃真動。非可搖奪也。今奉命巡視。特來一晤。繼節兩子。凡事自然。即一切于自然。中求之。人力無益。而天力無憑。三者合而自然成。可終身于此二字得之。十月朔。

程在刻有一事。繼子來。應今日吉日。為眾生降吉。爾可即辦。赤小豆四十粒。念大悲咒四十九遍。于鼓樓下四角。拋之。以為爾功。自驗可。即與看。廣東一習。習為提神。所談何事。刻有一事。昨在相府。見為和子。文書為廣化而降生。誤緣而做人不端。元天此時。不提回本宮。一地十地。不敢名。

去其肉身現帶神魂不能脫離甚為苦惱內相憐之未能挽救南宗廣化
原屬蔣氏此間綿延一支原為待機故欲挽救前有移至本省雖奏達天
庭其中必先為蔣氏懺悔其罪母為禮懺行文十方三界方可繼為一
代傳宗今弟子中雖有重繼戴山之愿而此一轉迴也須懺悔奏佈三教
上下之神其用費不少又恐重為和子前轍是以未能定見爾等屢視宰
官為業現身之報不至于此其中亦由乃此之故內相未能挽救實為憐
愜蔣氏之事不了下繼者難于奏明此乃一大公案未可為爾等後輩言
之今因習學肄業及之非所欲爾等為也且隨緣者緣和子罪苦但願早
離肉身再為定案亦師弟之情耳 十月初二日

信息兩字最好。一切外不了此二字之妙。各子各有信息乎。有些信息便好着手。諸子終日碌碌。乃未得信息故耳。其脩道者有了信息便好脩道。讀書者有了信息便好讀書。即為人事者有了信息。有作有為。着何得信。得信方可息。何以通息。得信便可通。若自先信不過。何以能隨時隨地得息耶。自強不息。正是善息。息其不息。信到十分。何有拿不住的道理。東風也好拿。西風也好拿。隨手拈來。頭頭是道。此正處處便息時也。各拿時拿不定。息時息不得。連到信也不通。便終日逐逐。不能一息之息。自然碌碌終朝。無如何矣。本來信息本來通。十月陽春日正紅。窗外寒梅花一朵。已通信息在當中。各子向梅花中尋得信息。便知吳老友下落。哈。吳友在

梅花中坐。折一朵喚之。便知我昨說信息便是拿去過節之物。過節之物。在梅花中也。尋着鬚中一點酸。其中信息好尋探。老夫也要安吾息。說道梅花一點寒。一酸一寒。世間美味。各且尋來。此便是習學功夫也。正月十二日。道人在。今早至三元宮朝謁過此。今歲所有本壇各子冊籍。奉命委諸葛相辦理。道人迴避數日。候畢再來。道人欲有所言而不能言。各欲直指而未可言。天下脩道讀書。做久謀事。無有捷徑。總須苦盡甘來。苦者非不苦。一苦生惱。而思捷徑。即志不堅。而心亂。亂而思遷。兩頭不着。稍有分甘。便思進步。此皆非謀道之士。而守業之久。屢求道人指一途。道人思天下之途無不可走。不有博奕乎。為之猶賢乎已。此乃不思走。只在路口一望。曰。

遠。即又再望一條路。一望又曰遠。日日在路。曰望非走也。稍入數武。即說何不出頭。及至急行數步。即望之曰甚遠甚遠。退而走出。別行一途。于是日之中矣。忽又日之西矣。東奔西望。哈。那知本在路上。有得一日之勞。早已走出一條路了。我是走過人。知條條可走。亦有小有狹。有大有寬。頭是道。說爾等放心走。而不以為然。今處處觀望。先說腹餒矣。不知走了。一日更餒。必須走出大路。方有飲食之來。各求我問路。而我未^能專指一門。即說一門。一望而曰遠遠。此騙我哉。其奈何。不知人生材料已成。各有自己近路。各自走去。方有出頭。即有謀生之材。而強以讀書成名。亦是徒費功本。此乃有人強制之。至自家走路。只要擇近而行。不煩不厭。一步

一步穩有到時。不過一路之中。稍有歧途^遠不通之處。須人指點耳。此言穩而發之。然各有各難。各有各病。說之未可。言之亦未必從。即說得極妙。只是口頭禪。走不走在各子。可以不須說也。即說而由之。稍走而望遠。以為不如我捷也。哈。又無須說矣。即治病一端。說只要不藥不能。只要靜養更不能。倒以苓朮甘草數味奉去。曰此仙方也。拜而服之。不知此只可去風寒。不能治心身之病。心身之病。養之如走路一般。一望而曰遠。此終身莫可醫也。及至兩手捏拳。一時俱靜。哈。此真靜矣。然非養靜。養其靜止。欲蓄其動也。如天地生物。春生夏生。秋冬亦生。則一二年其力極矣。所凋之木。正發生之基耳。各子走路。嫌遠而思捷。自力不足之故。過未走先須

養行時貴蓄傳。一伸還一蓄。乃自善徑行。行時行。坐時亦行。此又是決意一路之妙訣也。不可與東望西望者言之。若先說此。連望也不望了。坐時亦行。竟坐而行之矣。哈。所以指點一人難。即一時對針下線。本人未悟。而旁人一解。見淺者見深者。說來總非對針本指。而本人惑矣。不獨無益。而有害。所以不說為妙。只求福祿。治病症。只要藉此服善門。做善事。一念善心。即是行功。即是道人度世之意。如此而已。十月十五日。

程在諸葛相查冊過嚴。日內已畢。奉命仍發本宮內相。仍請命。從寬改政。今尚未了。一寬一猛。亦度世婆心。各子孰不思福祿。而在自名之一切。為飲食謀。難免用心。然不必過于費神。一切有定。不至無糧。不能寬裕。亦是。

養道之妙。雖禮樂出於富貴。而富貴忘本者多。本忘何有於禮樂哉。若少
少。但足接東補西。一切用度。自減之者。乃所以增吾福也。今各子非不甘
有所缺。不見其益。然道本清貧。不足為患。一有所充。不能自足。隨流忘返。
不知三十四十之後。一半功名。即得已遲。要脩自家一半。為子孫妻孥一
半。試問即有多金。而身暖足矣。腹飽足矣。食前方丈。而旅落之厚。於我身
無益也。無榮也。美食仍為蠹子。美衣不過暖身。其食與衣。馬耳。不如山骨
清寒。黃齋淡飯。此中之味最長。然竟不事事業乎。曰非也。素位而行。一切
求謀。只當習苦行道。不使此身太安。求之得失。不必係于痛癢。以累此心。
不過俗人所應為者。而為之耳。至如求道脩禪。亦如此。而譬如碌碌終朝。

只恐忘却主人籛然。日用處主人此又多一主人。試問求主人者。又必何人。此自惑也。如此而行。如此而止。少言養氣。習勞不自安逸者。書不為俗。可圓應世。不為清可介。此一個主人。和光同塵。有何喜怒。驕矜為不當為止。不當止。即房中之語。可以昭之大庭。此又不可做無恥之輩。觀無恥者。亦能之。操在道與俗相去一間耳。在立心為主。然而有相。不如無相。有言不如無言。現于外。著與不著。一偏此可為守。默默太虛。宗神鬼不得而窺。何善惡之可辨哉。立乎空者。空得而見之。立于空不空者。空不空得而形之。有立有形。處處是道。處處是著。譬諸一人徐徐而行。非前非後。非左非右。試問那一步是你。然步步可核之處。處處有你。立而不動。此處是

你忽然步去。此處是你否。若以辨言指你。一處非也。指一非。做處非也。然而立過。走過。心不能忘。不能忘。即做在而善。惡在。神鬼。于是冊之。然而打破此冊。談何容易。然而不難也。後步去。而前步忘。尋不可得。再一步去。而後步亦忘。此可打破乎。曰。未也。若何打破。哈。說了十餘年。道開了十餘年。壇原要各子打破。此處總悟得頭頭是道。未能實實。實實。有心人。此處參求。要我說出不難。然好說的。便打不破。不說的。打得破否。哈。得暇一談。各打破來。十月廿一日。

道人前已承恩。大士官准同斗府。合為施恩。挽回明歲之劫。已命性地。辨理。道入之心。稍慰。今一切冊籍已定。候至。示各節。降恩。繼子。且圖目前。

再為後繼。勿浮勿滯。一切隨緣。自有妙處。廣來一習。道道。妙妙。無
道不妙。無妙不道。此道何道。妙道妙道。此妙何妙。無不是道。道無可道。妙
者是道。妙不見妙。有道而妙。妙妙道道。道道妙妙。此妙非道。非道是妙。此
道無妙。無妙妙道。執道非妙。執妙非道。離道非妙。離妙非道。道道妙妙。妙
妙道道。是謂妙道。是謂道妙。習此二字。即此二字。可為一文。信手拈來。頭
頭是道。頭頭是妙。各子認得。教十字。各能以二字為文。各成妙語。否。道人
有心習道。妙之字。無心成道。妙之文。然而一切皆空。總為文字。道之妙。道
之道。所以妙。所以道。未曾道。十月廿八日

道人在習。非常候。最可疑神。上不論公。易為提煉。從前斗室。談元三更燈

火其最初者。惟後獨存。其後繼者。節子繼乎。有繼而篤。節有節而善。繼節子。冬節自有辦理。若未能在此。繼或代之。有亦符也。或禮一懺。上祈五數。合天以應人事。有為爾挽回之道。繼子繼父之志。若何充其量。爾有大本領而未得時。且自娛其身。以樂此志。易繼右一試。道人一看。各光何如。繼子光何燥。廣子光過弱。未能兩光。且仍魯廣習片時。道人尚有行也。右手未圓。左手太勁。右圈圓矣。倒圈不圓而長。是右腕未圓。運之故。習之功用。如小兒執筆。先要兩腕合一。而直橫平。點圓方。逆轉逆一筆不苟。寫字何獨不然。行草轉使稍有誤筆。又成一字。未可忽之。全在習字。光下注時。原個到盤。其中便運。乃兩手及臨者之意。運稍有遲速。非失一字。即亂為直。

畫乃不習熟之故。上界臨鸞。惟以意運。以光燭。非手握木頭而書之也。真
扶鸞寫到十分合化。兩手如用一指。如璣之緯。權轉側自如。而不粘不脫。自
然之妙。方可傳經。示妙。不至有誤。若今之習尚。只是寫依本。達魯之候。尚
如臨帖。未能行雲流水。如神化無方也。其神光之注。却異於它處。故能稍
作天功。不專藉人力。手腕即兩光離。與上光一耀。未能粘合。上下之光。如
磁石引針。似粘非粘之象。兩光之合。如烟入燭。光似合非合之象。兩手粘
鸞。如水流之象。似動非動也。光又脫了。有心學習。且靜其心。心靜光自沈
重。沈重易于凝結。其氣自平。而神自有躍然之勢。方為妙矣。未能合乎九
也宮。即行草亦有九宮。長短懸毫。不得於其中運用。或反或正。千變萬化。

非意所思。此非有意為之。而習時須般般學過也。今且各退靜之為妙。各可習之。十月初八日。

無形之道以實見。有形之道以虛見。無有所形以無見。一切無無。無所有見。以無所有而見。所見見無。亦無有。有有所有而為見。見見此見者。見無所見而見諸見。以見有見見無。亦見以無所見而見無見。見不立無。不立有。不立見。見而見有無。以此見諸有情在無有中。為形為見。見此思維。度諸有情。以有有無無為有情身而生。諸有無形相。以無見有。以有見有。有有無無。自立一處。見此見已。有見為見。而以見情作大見。見見諸有情。以無見見。以無有見見。以見無有見。而立一偏見。不中見。中無所見。

見四方見為見中見。諸此見見。見本無見。無非無見。無無所無。有非可有。無有亦無。見何可見。以此見見。見諸有情。不無不有。不見不見。見而生。思維為見。可見而見。有情見見。無見有情。何見一切有情。見如我見。我所見見。如有情見。見是本空。是見非見。一切有情。如是見見。我來見世間一切皆見者。我有無見。無一切見。何有一切見。是我見。一切見我者。可見亦如是。我今特來一見雲。

十地菩薩示訓十一月十九日

道人在善惡本空。佛心慈願。一切皈依。火中蓮現。今查冊之後。奉命仍付本宮。道人體佛之慈心。承大悲之法力。一切善。一切惡。皆是妄相。所感為為衆生及各子一念懺悔。全各消滅。何以消滅。一切惡。除不忠不孝外。不

過為利為名。總是以外相為我。起諸貪着。而生妄念。一切所為。究為一身者少。為家計者多。雖為私情。與天地養此眾生無異。即一人自身。雖苦樂各有前因。其自願足食足衣。無有分別。天地生之。亦各願其足。而限于善惡之報。今以天心為心。各各平等。所以分善惡。亦不過公與私而已。為惡者。其人亦生于天地中。亦未始不願其安樂。迫于飢寒。亦無所告。今以天地父母之心。佛法平等之力。一切皆空。悔者皆免。發此大願。對冊懺除。一切惡業。過亦消滅大半。哈哈。快哉。以於無形。滅於無形。各子此心。應如是懺悔。今來一看。尚有天士宮之行。明年丁未之劫。道人尚有所挽救。且再

商之十月廿三日

程在精神常使凝靜。光明常使躍。其志不亂而神自凝。其氣不散而神自清。可以合神而為化度之機。不可懂。往來當如懸鏡。凝而燭物。不為物動。自然此心靜定。自見其效。十月廿四日。

惟此一念。十方諸佛同時現前。惟此一念。大千震動。惟此一念。三世意識不行。惟此一念。不與萬緣對。惟此一念。斷前後際。華嚴經云。一念普觀無量劫。無去無來亦無住。如是了達三世事。超諸方便成十力。我今以此一念。斷除衆生一切罪業。劫難衆生。以此一念。而生懺悔。成就三世道人。為救劫之事。初成。請大菩薩為衆生語。而作證明。奉諭命道人代為說法。道人仗佛光明。為衆生作此語。以為證明。一劫千劫。同為消滅。今來說法竟。

立真人云一念不離方可
是真空

各在此者。當知一念。達子一念非識非意。一念相應。斷除三際。爾所覺悟。雖入上乘。仍為意識。真覺悟者。一頓無漸。無有斷續。所為禪悅。是常寂寂。惺惺。爾悟為得住。為失。雖無為失。過去前頭。現在未能一念。總持四大空。時了無把握。即俗緣緣引。舉念皆非。仍非頓入。在此華嚴四句去尋。尋得之時。自可了此三世。魯子金丹之道。即此一念。不圓不方。不有不無。舉起一念圓粒粒。放下一念粒粒圓。不前不後。不空不實。而有有無。無再莫能。擾不立中。偏是謂丹道。廣子喜怒哀樂之未發。謂之中。中者此一念。此一念天地位焉。天地位即金丹之道。即止善之處。在此一念。入聖法門。繼子知止而在格物。其格物一章無傳。非無傳也。實可傳。非格不到處。此即禪。

一無罣碍不着中邊
又欲盡處天理流行

門頓悟一法莫不因其已知之理而益窮之以求致乎其極一旦通時便
知可止然止于何處詩云邦畿千里惟民所止詩云綿蠻黃鳥亦惟民所
止亦惟為所止若說一善字善無可處此兩引詩正見頓悟之後惟其所
止所以道人說真悟無頓漸也若悟後仍須停續必是知解非悟也立子
致中和天地位焉是悟萬物育焉是行知行並進可以本立而道生立之
一字即知止之謂爾以格物為功而至于至善自然可以有日進之道
為子知止而后有定至安而后能慮得慮得即是格物何以又說知止在
格物此循環之文每忽忽讀過爾知止乎終日心忙此不知止之故爾其
自止以為進功恩子爾知止之用乎止在何處未格透時東不是西不是

一旦貫通頭頭是道止是止不止亦止指此心而言指此性而言前日聞爾等背學庸聖人之道又復一顯特因所要以禪理通之此非強作之合也解人當不以此言為非悟子可以知止乎知止而后有定定而后靜靜而后安所謂安者非致中和育萬物之謂乎爾一念止即是少壯老一齊放下人之老而衰是知老也長生之妙不知老也知止而已此止非和尚口頭禪萬法皆空之謂乃是一切盡現目前而我只在這裏闍王請我不動菩薩喚我不應此乃一爾大本可速覓之長生之道在是矣各所示言為真切之指可以入手勿謂此言易聞也十一月廿二日

繼子繼子繼子繼子哈二有多少繼子爾是弟哉繼子耶哈二繼繼

子。德子。爾。是。何。德。子。耶。哈。德。德。子。子。德。子。德。子。爾。是。德。子。耶。德。子。德。子。
 德。子。爾。是。道。人。所。謂。德。子。耶。德。子。德。子。德。子。爾。是。自。謂。之。德。子。耶。德。德。子。
 子。德。子。爾。是。壇。中。之。德。子。耶。哈。德。子。德。德。子。子。德。子。爾。是。爾。家。之。德。子。
 耶。德。子。德。子。爾。是。跪。在。之。德。子。耶。德。子。德。子。爾。非。跪。在。之。德。子。耶。德。子。德。
 子。爾。記。得。德。子。耶。德。子。爾。不。能。得。德。子。耶。德。子。括。名。者。是。德。子。耶。德。
 子。頂。禮。者。是。德。子。耶。德。子。德。子。德。子。德。子。德。子。德。子。德。子。德。子。德。子。德。子。
 不。知。德。子。德。子。起。來。德。子。德。子。呀。起。來。了。哈。德。子。呀。

此是習期習字游戲之章
 大有意義

德
 德
 德
 德

此四秘字為度
 有情今年疫癘

之災。以此四字書服。焚于清淨無虫水中服之。可以即愈。乃此藏經西域
所傳。今因我佛大誕。特來示應。傳此度世。各善男子。一心不二。即是法門。
一切無迹。即是常住。一切無相。即是菩提。不多所囑。即回。丙丁未四月
初八日

彌
勒
尊
正

西域祖師傳
亦亂不留名

求道如登百尺梯。初時進步覺依依。相看總覺青天遠。莫便思歸墮逐泥。
吾何仙為恩師大誕。特此臨凡。為各佛子掃却紅塵。片片心花。莫作沾泥
之絮。便是一片靈光照徹上下。吾此帚者何。示人人須刻掃此心地。莫有

一點塵埃。便一粒金丹。光明圓滿。即戒佛所拈一瓣而微笑者乎。哈。各
符師來指示此一瓣者也。○度人心未了。日亦指迷方。韓至。○易其見天
地之心乎。一開一闔。一動一靜。一生一伏。其總歸乎自然。似有為而實無
為。似先覺而實無覺。此中順逆相生。未可以順為亨而逆為否也。無逆不
存。無順不流。一存一流。乃見化機。金丹之道。含乎中理。逆乃丹頭。順為走
漏。克已復禮。克復二字。即是逆境。世人以逆為凶。而以順自趨。其為無所
違於心乎。此正是天機。將伏之時也。其守逆無違。一心上覺。如復之一爻。
由漸而進。其性處逆而不違。此日進之象乎。各子久處未復之時。而守逆
境。未得其訣。其來復之機。未能生動。即壇地為之晦而未明。吾順其理而

以逆守以靜鎮。非甘于不復而正有以養其機也。各未得機。人欲勝乎天。理而未能合乎動靜之妙。此機摠滯而未流。得其逆之妙訣。正欲其流以動其機也。得此易之神變。其能合乎天地之心哉。道人以天地之心為心。即一闔一闔。未有不順以隨之。逆以畜之。而一毫人欲所無。而天心自見。今久守此靜象。各雖未得其理。而一陽之復。其在斯乎。躍躍於中。此動時乎。未也。今以道人降世之辰。各一點心而來聚首。此一點者何。其天地之心乎。即佛氏所謂一念乎。大菩薩開此法壇。道人承化于茲。守此一大悲度世之念。未敢刻忘。各子一念格之神之格思。不可知其然而然。吾于各子勉乎哉。

繼子繼父之志。而未得其真。得其化乎。然此化非真而有益。

于真。彼真不化而實化。爾之化。爾心切提拔之言。今已提父上至十八洞
天脩習。其餘業未清。且待後懺以慰爾心。往者往矣。來者如斯。期其歲
月。寒暑相催。各子感于寒乎。感于暑乎。抑無所感乎。道人何感感此寒月
暑往則寒來。寒往則暑來。天地之心。其在此乎。互而成形。不可以寒暑求
之。亦未可舍寒暑求之。其見天地之心。其惟此乎。四月十四日

哈哈黃在學道學道。一齋罷了。道不可學。心如茆州。哈哈。七竅霧籠。一一
為障瘴所蔽。不特修道無從。做人亦如一團茆州而已。哈哈。老黃一一為
子等治之。哈哈。慧火一焚。六根清淨。一切繞擾。何處生根。哈哈。一切病兒
皆好了。哈哈。一切病兒皆好了。哈哈。今正時疫將來。為各子言病為各子

言醫哈。老黃隨內相度人。不肯開一味藥。但能言藥哈。各子皆受藥之具。而畏吾藥。吾藥惟何哈。此即是藥哈。各子不肯笑哈。總為心頭着念差。若是各人能一笑哈。一齊都去做仙家哈。繼子隨緣是病亦是藥。勉強是病亦是藥。爾自以藥藥此病。自然一切芥塞空哈。哈一笑空無物。便是神醫可奏功。今日程友出差。吾代掌理。各子有病而來求醫乎。抑問醫而始知病乎耶。佛為大覺醫王。今有合藥治病之心乎。此且聽程友來管。老夫久不在位。見各子各有所病。憐其病也。而醫之。究竟各何所病。本來無病。是不會笑之故耳。哈。一笑萬慮皆空。病也好藥也好。不病不藥也好。哈。哈。哈。無道無不道。一味只是笑。

此老夫衣鉢傳與何人。哈。各子來取去罷。若使各人皆取去。滿堂只聽
笑哈。哈。各去。笑來。未奉示命。不敢定期。竟月半哉。哈。哈。五月朔
天人所合。憑心而格。脩道之功。憑力而得。一分之加。有一分之格。自可合
乎三才。統乎至理。濟世度人。不外一誠字。道人至今為性地。合藥有成。懺
事將畢。公稟求請大菩薩光臨。合同斗府施化文書。投遞蒙批准。今十五
光臨性壇施化。特借吾壇法器。於今日迎候。道人在此會同。今晚到性。特
在此辦理一切。各子為俗亦須專一。未能奉道。俗事何如。道可遲遲。俗不
可緩為俗之急。一如求道。一無所成。當知天下之物不可求。而得道在通
焉。求則得之。自有必得之效。而累乎處俗務。俗務亦有須勤苦而來。數之

所定命之所招即苟而有獲非其命焉亦有所損不如君子居易安樂此
中自有不求而得之妙也。道人有感於時日日非而事之難求焉甚於道
矣。道不遠人。人之違之而非違之也。道不見諸心。不知其味耳。知其味者
舍魚而未能掌乎。今來此一路特各一示。繼子遊行山界無定不定終
日醉醺有覺無覺此神仙之樂爾能之乎。似之矣。非曰能焉。從此執着掃
除一心覺此性時。日昏昏然五濁中遊。便許爾一地仙可爾能之乎。哈哈
各以不多候為靜。爾等動之妙味可與道人言否。道人靜而靜非靜也。
非靜不生動。爾等動動非動也。動極無生。靜者生機。動者無為乎。如太
極之動極復靜。爾等能之乎。能之即我之靜也。何動之有哉。五月十五日

大衆聽者。今日六月初一了。一年有幾個六月初一。大衆一生有幾個六月初一。六月初一。是何樣子。哈哈。大衆心中。六月初一。是何樣子。各取得出。看得見否。咳。今日也過六月初一了。咳。六月初一了。哈哈。雲。○程在適有大德禪師。過壇叩謁。見各子。示此法語。各子醒悟否。千言萬語。不如一指真宗。老夫亦為慨然。年年有六月。個個過初一。一過六月初。匆匆無休息。若是不過時。如何話得出。誰是過來人。我亦免不得。我同各子然。年年過六月。未過五月底。尚非是初一。既過五月初。又非是六月。只此今日逢。偶然為說出。若向六月尋。尋不可得。覓凡事是假合。到此為君說。大衆各聽聞。今六月初一。哈哈。言煩意雜。不及直指為快。然未是六月。求不可得。

既過六月。求不可得。今日尋着了。哈哈未曾云得性地。大開法化。初次合藥。分給不敷。又合二三次。亦當取至此。處秋初多患。此時猶可緩也。

繼子有患在中濕蘊未發在中戒酒一月。服清寧丸一服。自養可愈。此滯至秋

恐變大病。今為爾去之。為爾一提神。好自靜攝。可以免病。六月初一日

補四月朔。善才奉菩薩命在此。為眾生加持一切。見各子有一心切者。

有切而未一心者。有切而不切者。總之皆是着眾生見。若為度眾生當切。

為度自己亦當切。為俗事可切而不切。然切也是着。切不切也是着。一毫

不切也。着之甚。着於俗。着於道。皆是着。各一月兩期。可候不為多。可示不

為少。而一言兩句之中。未能各有實行。此多候無益也。然久不來。神智煥

散一入此門。稍覺心神疑。此多候不謂無益也。如幼子初步。總之頭人提攜。此又多候不謂無益也。吾今奉命來壇。既未能多候。且各一言。繼子青烏無真鑑。不如賣卜人。可以相藉處。藉此動凡人。善惡憑心積。回頭即是真。好將禍福語。感動世間心。初八日各具誠一叩。以看佛緣。不明示維有嚴示。吾且憐各子。光明未透。為一提神。可免一疾。浴之一字。最足寒神。神光一昏。而百節不通。智慧不深。其魔害日擾。一切菩提芽。不能增長。自便墮入昏迷。無人喚醒。如酒中不解。此明圓之體。不可復見矣。今為各打破昏迷。撥開雲霧。光明鏡。即在前面。可以速自返觀。若無喚醒。日醉昏迷。大可嘆也。拙于自處。而甘于自棄。非我大菩薩本心。一點甘露。灑作清涼。

淨源遠五中。哈公此原即是西方界也。極樂界也。今為各提神。各心尚見
合一易為團聚。再破例。准程侍左。魯侍右。一試一心。觀空心無所空心如
自空。何如為心。提神一煉。足見光明。各有吉應。且答上稟。大菩薩為各求
恩。再着分咐。程子即具稟內相。今日破例事。乃佛恩也。

程在奉命示。今歲中元。濟度鬼魂。仍在天竺。辦理此間人各草。且無甚
緣聚。各有俗務。竟不必開。候地藏菩薩大誕。供果一祝。竟八月初一。探信
各有魔障。在心自解。非誠不格。非信不篤。與其應酬來叩。不如靜以待動。
數十年教子。各一心團結。雖濟人自利。屢費不資。其中暗為化度。不少自
去年來人。各有心。未能合一。一切冊籍。除出籍數人外。概發東嶽。照例辦。

事其中人事未可知矣。非上因不喜奉侍，即便發下，乃此壇為啟南宗而開，未能續緣。只此教人尚如此不團結，將奏出之章難以復命，亦只好各隨人便罷了。繼子繼父之志若何？繼道而脩道若何？忽忽數十年可畏也。光陰迅速，及早自持。酒可少飲，間教日一醉，可以無病。日日醺醺，此乃非不得志之人所宜也。今日示言，各遵有益。七月初一日。

咦來者教人耶。咦來者教人耶。前者教人耶。非前者教人耶。咦前者教人耶。咦前者教人。何非前者教人耶矣。咦前者教人耳。哈。各各相看面貌。容似前似後兩相同。一人何必分前後來。此無為大道中無為而無所不為而無所為。如鏡在中。一個一個面孔畢現。此真好者。教人無可自見者。

而自見之。更照得五臟六腑一件。心肝肚肺。其中貪嗔癡愛種種生滅。本非各人面孔。而一樣變出來。到得入此門中。忽然俱寂。而影念在中。未能消也。慧光一照。不獨我不要看。即各人亦看不得。嘆苦腦苦腦。好好一個心。外頭一片皮。中間忽為搥而言之。饑寒兩字。推而言之。有得吃。有得穿了。又來了。哈。又來了。一切惱煩貪着。何有已時。忽而一個人。忽又變一個人。放下的。是你。擔起來的。又是你。內相不獨化天下人。即一室之中。弄了幾個糊。絲管不束。拋開手。個個東西走。一條繩那裏去了。搥少竹枝兒。着實打打。他意馬心猿。完了本來面目。前頭的。也是你。後頭的。也是我。哈。面鏡中一看。是個什麼。嘆大可笑也。大可笑也。取硃筆來代發。

在。豈。惟。此。元。機。可。以。無。語。一。圈。轉。運。動。即。天。心。內。相。已。臨。請。即。百。語。○。○。
天。道。無。私。轉。運。是。機。一。有。不。動。天。機。不。生。生。生。之。機。本。無。停。滯。心。所。滯。
氣。運。由。之。此。壇。原。為。繼。啓。南。宗。本。欲。大。開。元。宗。而。所。有。得。闡。之。道。必。須。人。
才。今。來。者。教。人。皆。紅。塵。之。輩。不。得。不。以。疾。藥。保。祈。隨。緣。而。度。欲。待。有。緣。傳。
此。真。派。而。大。運。可。臨。三。才。未。合。非。各。子。之。無。誠。亦。氣。運。之。所。至。欲。暫。僞。此。
地。以。待。將。來。而。法。壇。一。僞。候。奉。之。處。必。有。燬。敗。道。人。未。能。忍。此。特。留。一。線。
之。緣。以。冀。後。興。之。日。今。逢。斗。降。之。辰。各。子。誠。求。復。啓。此。亦。有。志。之。為。而。運。
數。可。招。強。之。不。吉。今。為。後。等。誠。切。為。之。慨。然。非。不。有。師。弟。之。情。亦。天。律。所。
行。道。人。難。為。之。三。各。奉。三。清。玉。勅。護。法。諸。神。日。奏。所。言。有。干。壇。事。必。錄。以。

衝各奉道子。自_{知本心}口_口所由起。道人保奏力行。無顏自稱。亦無有以報
諸子。是以久未來壇。一言_感度人之願。一二十人。豈為廣化。亦不過度
得一人。是一人度者。豈成仙之謂。亦不過一人向善。一家向善。少造惡業。
即自度人。至出資_以。雖無實德。而奉行之子。究自立善心。此功不
昧。今各子亦十數年之誼。若道人不允其請。神仙未必忍于如此。然即小
小多。開忍氣機。所_以。反為魔勝于道。則非愛子等。適以累之。今道人有為
衆生祈禱事。仍在壇。每戌亥一至。即代各子懺悔。道人謝過。亦同在禱
中。各不必急。且滿四十九日。若有天恩。再為各子。以圖後緣。不必入聞備
物。此間每早一枝香。每晚一枝香。初九五果花供。上自有加持。不可自行



浙江圖書館



浙江圖書館

善本

080

月



浙江圖書館


浙江圖書館善本

乙 登記號： 014080

一九 年 月 日


浙江圖書館

Blue Cyan Green Yellow Red Magenta White
© The Tiffen Company, 2007
Tiffen Color Control Patches
Centimetres
Inches





浙江圖書館



Centimetres

TIFFEN Color Control Patches

© The Tiffen Company, 2007

Blue Cyan Green Yellow Red Magenta White